

47960

ORATIO
AB ELOQVENTIÆ PROFESSORE
RECENTI EAQVE IN SIGNI LIBERALITATE
PER ILLVSTRISS: ET REVERENDISS:
GLORIOSISSIMÆ RECORDATIONIS
D. PETRVM TYLICKI
EPISCOPVM CRACOVIENSEM
MATRI SVÆ BENIGNISS. A CAD: CRAC.
ET
GENEROSÆ IVVENTVTI POLONÆ,
QVÆ IN SPEM PATRIÆ ET ECCLESIAE DEI CRESCERET,
PERPETVIS TEMPORIBVS DONA-
TO ET INSERTO:

Interim

M. SIMONE HALICIO ANNO CHRISTI M. DC. XVI.
DIE CÆCILIAE VIRGINI ET MARTYRI SACRO:
FREQUENTISSIMIS IISQ. ORNATISSIMIS AVDITORIBVS
IN DOMO MAGNI REGIS

WLADISLAI IAGELLONIS
IN LECTORIO DD. THEOLOGORVM

HABITA.



CRACOVIAE,

In officina Typographica Francisci Cefarij,

Anno M. DC. XVII. impressa.

Symbola Cathedralis Ecclesiæ Crac.



41900
I br

Romanum obtuitus Cyneas aliquando Senatum,
Compositum dixit Regibus esse viris.
Hæc est ô Patres vestri quoq; forma Senatus:
Quisquis non credis, regia signa vide.

IOANNES SIENIENSKI
Eloq. Stud.

✠ ✠ ✠

Amplissimo & Reuerendissimo
CATHEDRALIS
ECCLESIAE CRACOVIENSIS
CAPITULO.

DOMINIS D. ET PATRONIS
 S V I S O P T I M I S .

M. SIMON HALICIVS S. P.



*I*n Vestrae fidei atque sapientiae auctoritate, VIRI AMPLISS: posuit Oratori suo praesidium dignus qui nunquam moreretur TYLICIVS. Hac erat quae rerum usu, quae disciplinarum Sole percoeli iudicij praecleara de augustissimo CRACOVIENSI CAPITULO sententia. Accepistis boni & sapientis Episcopi honorificum ordini Vestro testimonium & affectum. Nempe stimulus erat VOBIS magnus, & perquam honestus ipsa in ACADEMIAM CRACOVIENSEM, & civiles istas in ea literas propensissima voluntas. Et quis hoc non collegerit, vel ex illius inusitatae dei claritate, quo meae professionis initia dignitatis Vestrae splendore illustrastis. Illa enim lectissimorum hominum undiquaque confluens frequentia, illi animi in vota preces, laudationes amantissimi Reipub: Senatoris TYLICII soluti, VOBIS tanquam propositis ad imitandum spectatissimis exemplis sunt attribuendi. Quod enim se principum virorum fauor inclinat: eo caetera sequi solet multitudo. Tulistis repente facti Oratoris, quae Vestra fuit humanitas infaniam: quid mirum si incidentes audientium nubecule ex Vestri vultus amoenissima iucunditate capiebant serenitatem? Meritis ista non fuit mei: sed in TYLICIVM, & in elegantioris disciplinae studia constantissimi amoris & fauoris argumentum. Quod etsi solum verae laudis immortalitatem afferat viris summo loco positus: ego tamen hanc egregiam animi significationem in ACADEMIAM nostram beneficij maximi loco numero. Atque cum turpe existimem eloquentiae Professore velle silentio gratum videri: cum illis ipsis primitijs

magnos venio. Ita suaserunt amici; ita voluit meorum Maiorum auctoritas: ut & beneficij TYLICIANI, & mei erga VOS cultus deuotissimi aliquod etiam apud eos qui victuri sunt extaret vestigium. Scio ferax esse Aristarchorum istud seculum, praesertim in eam artem, cuius est infelicitatis omnium audire & coquere iudicia. Apelli enim licet dicere: Ne futor vltra crepidam: at CICEERO ipse vel Demosthenes cuiusuis liberio rem ex plebe admonitionem ferre debet. In causa est, quod de aliorum operis eius tantummodò artis periti iudicare solent: in Oratoris opus etiam inconstantissimi vulgi se extendit imperium. Nec tamen ideò concido animo: ea est enim nominis vestri maiestas & amplitudo, ut eam nullus diffidens sibi liuor, nullauè improbitatis insania audeat appetere. Sub huius patrocinium ego cum isto primigenio confugio, quaq; possum animi summissione à VOBIS VIRI AMPLISSIMI peto, ut quem semel tuendum atq; ornandum suscepistis; eum à Vestra beneuolentiè portu securissimo nolitis excludere. Fateor, ut est natura principiorum, haec quoq; mea esse rudiuscula; at pro Vestra facultate atq; prudentia, etiam simplici Orationis cultu vestitum TYLICIVM splendere putabitis: memores & in agresti lacinia augustiorem animi habitum bene apparexe. Viuet hoc in me cum ceteris Vestris singularibus beneficijs, qua ego reuerenti obsequio & memoria colere statui sempiterna.

Data ex domo Collegij Maioris. VIII. Calend. Maij. Anni 1617.



Ecisset utinam supremus ille rerum
 omnium effector & moderator Deus,
 AUDITORES, ut præsentem potius
 in hoc Vestro confesso amplissimo, sa-
 cerdos Episcopum, Academicus Can-
 cellarium, opinione eloquentiæ commendatus, virū
 dicendi laude præstantissimum, solennibus gratiis
 exciperem; & nō creptæ ex oculis augustissimæ vir-
 tuti, ac singulari in nos benevolentia, tam sollicitè iu-
 stissimum gratæ recordationis obsequium quærerē.
 Quod enim optandum erat maximè, quodq; vnum ad
 splendorem & dignitatem ordinis Academici, & am-
 plissimæ huius Reipub: proprium ornamentum per-
 tinebat, id optimi Antistitis diuina virtus, altiori
 quodam consilio excitata, summâ cum voluptate o-
 mnium nostrūm perfecisse videtur. Mirabamur quid
 esset, quòd in tantâ Philosophorum, Iureperitorum,
 Theologorum, & ceterorum clarissimorum virorum
 copiâ, quorum eruditio & virtus incurrit in lucem
 omnium: iam principes è Rep: viri, iam nobilissimi
 quiq; ex loco equestri, vel veterem quærerent, vel mo-
 dernis temporibus commodiorem expeterent Acade-
 miam. Nullus iam his sermonibus relictus est locus

sublata omnis coquerendi occasio: postquā admirabilis TYLICII sapientia, & viro magnifico digna liberalitas vniuersam Polonorū ciuitatē ad bene sperandū ita vehemēter excitauit. Cū enim acutissimè perspiceret animus ille, & præstantissimarū scientiarū copiā refertus, & plurimo rerum maximarū vsu perpolitus; rudem & indoctum ciuem haberi in Polonia, quantumuis celeriter inueniat, vel acriter videat, aut subtiliter distinguat, nisi sub lingua & calamo fuerit (vt dicitur) Mercurius: Eam præterea esse temporū conditionem, vt ibi maximè impendatur labor & periculum, vnde emolumentum atq; honos speretur: nouā & antehac nostræ tenuitati inauditā præmii magnitudine, ad publicum decus excitare voluit virtutē in arte dicendi peritorum. Effudit benignissimum suarum fortunarum sinum in Academiam; vt quā in languorem & obscuritatem ire dicebatur, occurreret procreatrici olim suæ charissimæ gratissimus filius, & seminarium vtriusq; Reipub: earum literarum, quæ ciuem liberaliter, sacerdotem piè instituerent, optim⁹ ipse Ciuis, & Sacerdos confirmaret. Sic iam nouā difertissimorum virorum accessione gloriabitur Academia, & nobilioris iuuentutis flos, domi, forisque publicam rem faciet splendidiorē. Huius tam excellentis boni primo fructu, vel aliquo solūm grati
animi

Stawobinski

animi testimonio, veniam illam mentem adeo ex-
cellam & beneficam in hoc vestro conspectu iucun-
dissimo præsentem recreassemus: adhuc benigniori
diuinæ bonitatis oculo res nostras aspici crederemus.
Nunc inter tot tamq; grauia Viri post hominum
memoriam laudatissimi desideria, quæ potest à me
par inueniri oratio? Tantum enim pietatis ardo-
rem, tam inusitatum, atque incredibile propagandæ
religionis catholicæ studium, tam insignem quotan-
nis in egenos beneficentiam, tam raram in maxi-
mis negociis cum dignitate Reipub: agendis dexte-
ritatem, in summis honoribus moderationem, tam
deniq; incredibilem sapientiam, animi magnitu-
dinem, quæ orationis vbertas, quæ ué tam fælix
verborum copia, aut dicendi maiestas, vel imitari
conabitur? Crediderim ego pleniora magnorum in-
geniorum flumina, in explicandis præstantissimis
huius viri actionibus suam ariditatem deploratura;
licet toto vitæ suæ tempore, pertinaci studio, & con-
tinuâ scribendi agendiq; exercitatione ad eloquen-
tiæ fastigium euadere contenderint. Mihi verò re-
pente ex Philosophorum tabernaculis, in istum di-
gnitatis vestræ solem venienti; cum tantâ noui ora-
toris expectatione, cum adeo graui iudicijs eruditif-
simorum virorum respondendi necessitate, quanto
periculo

periculo arcendum sit, recte intelligo. Silere quomodo possum, ubi video tot in me oculos & ora cōijci, & quod maius est, Academiā meritorum pulchritudine superari? Audere non audeo, audendi enim facultatem terret certissima insolentiæ suspicio: sed vocet quis vel inconsultam rationem, vel si malit crassiori verbo, temeritatem, quòd cogitem aliquid de tam sublimi argumento apud viros adèò limati, & perfecti iudicij dicere ego eius opinioni non repugno: illud profiteor, me in quoduis horum incidere, quàm sordidæ ingratitude suspicionem dare, vel maiorum voluntati non parere maluisse. Quid ita obsecro inhumanum, immane, aut ferum potest existimari, quàm sponte occurrentem optimi Principis liberalitatem non excipere? vel quid ita impium, aut nefarium, quàm ab eorum mentibus dissidere; quos vitæ, commodorum, ornamentorumq; omnium autores, & amplificatores habueris? Sumo igitur, Patres mei, vestrà incitatus voluntate, armatus autoritate, hanc Oratoris excellentem personam, populari quidem opinione splendidam; at eruditorum sententijs laboriosam. Recipio nutus, arbitria, voluntates omnium: nihil iam dico de ingenij aut valetudinis meæ imbecillitate: non queror de exercitationis in dicendo diuturnâ intermissione

sione

sione; non afferò deniq; incredibile latendi potius, quàm ad aliquam hominum famam profuendi desiderium: feror totus in admirationem heroici in optimas literas animi Maximi TYLICI vestra me adolescentem singularis excepit humanitas, vestra iuuenem formauit disciplina: vos virum fortunis, honoribus, & quidquid maximum vobis erat ornastis: vester in celebranda atq; propaganda illustri voluntate clarissimi istius Senatoris, quantus quantus sum, esse volo. Crescit animus ex his Craconiensis Ecclesie splendidissimis luminibus, ex hac pulcherrima Episcoporum atq; Senatorum origine, quae me à vobis acceptum in hoc honestissimo loco, beneuolentissimis suffragiis, atq; honorificentissimis testimonijs confirmauit, & illustrauit. Apud hos viros, quorum ita singularem perspicio beneuolentiam, quiq; vt alias virtutes sui Episcopi, ita pium in Academiam affectum ardentissimè cupiunt exprimere, quid ego potero dicere, quod illorum aures perhorrescant? si omnes de amico, vel patrono quantumuis rudes, & insuaves narrationes; politae, & iucundae videtur amantibus. Hoc vnum oro, ne interim à me illam rerum gestarum celebritatem exegeritis, quam po-

heritas alar, æternitas intucatur, quæq; orationis
maiestate exterarum gētium aures & animos con-
trectet: hoc enim neq; vni⁹ horæ angustijs, nec in
istis nascētis eloquentiæ principijs potest explica-
ri. Date id potiùs crescentibus ingenijs, inuale-
scenti orationis vi, florentibus breui tempore bo-
nis oratoribus, qui vltra huius amplissimi imperij
terminos, vltra florentissimos alios populos diffu-
dent fragiātissimum gloriæ TYLICIANÆ odorem.
Nos interim gratiæ referēdæ sumamus exordium
ab admiratione magnitudinis animi illi⁹, cū in
alijs egregiè factis; tū in hac artis dicēdi in Aca-
demiâ nostrâ splendidiori collocatione. Non pu-
to indignam fore Vestris auribus materiam, qui
recordatione charissimi capitis Vestri nihil habe-
tis iucundius: quiq; in istâ sublimioris vitæ digni-
tate collocati nihil ijs literis quas amauit TYLICIVS,
geritis expressius. Velitis modò istis beneuolētiae
indicibus, luminibus (inquam) oculorū Vestro-
rum serenissimis, meæ orationis temperare nau-
igationem; per ipsam Vos bonitatem, & istius Ve-
stræ dignitatis pulcherrimū dec⁹ obtestor, & oro.

Solent sæpenumero eloquentiæ laude præstan-
tes viri, principia suarum laudationum virtuti ge-
neris,

neris, robori, formæ, dignitati, amicorum clari-
tati ac multitudini, & si quæ alia in precio habē-
tur cōsecrare: omnemq; maiorem dicendi vim in
huius modi rebus cōmemorandis cum quadā præ-
stātioris ingenij ostētatione explicare: Res enim
domi forisq; gestas, fortissimorum Ciuiū, potē-
tissimorum Regum, sapientissimorum Imperato-
rum, omne deniq; decus ac dignitatem fortunatis-
simarum Rerumpub: ab hoc vno oriri principio,
ex communi omnium populorum consensu, & di-
uturnis hominū moribus optimè didicerūt. Mit-
tamus peregrina; nostra hæc Patria nunquam ex
rebus bellicis & ciuilibus tantā collegisset gloriā,
nisi à parētibus nobilissimis, cum sanguine instil-
lata, & á diuinis laudū præconibus excitata gene-
rosi cuiusq; virtus, primā illam lucem splendidis-
simo factorū lumine propagare atq; cohonestare
pulchrū existimasset. Dum verò audiūt magnā in-
dole præditi adolescentes, se non tã fortunarum
quàm actionum clarissimarū progenitorum hære-
des esse debere: nihilq; ita probro haberi, vt inter
tot spectatissimas maiorū imagines degenerē esse:
legem sibi indicunt innocentia, continentia, vir-
tutumq; omnium: neq; iam solū honestè, sed &

gloriam enim præstantia aliorum audit, & in
viriū viuere desiderat. Quid mirum, si omnes
boni nobilitati generis fauent, & in ea ornanda
tantum studij aut operæ collocant: si nemo hæc
præclara siue naturæ, siue fortunæ crnamēta; ni-
si improbus, & apertè insanus sit, contemnat? Ma-
gnam sanè est nobili loco oriūdum esse: sed tamē
sunt alia longè maiora. Nam generis clari ampli-
tudinem; multi etiam nobilissimorum Philoso-
phorum solent extenuare verbis, eamq; detrahere
posteritati: quòd maximè ridiculum sit in homi-
ne laudare aliena, & quæ in alium etiā sceleratissi-
mum transferri possunt. At verò maiori quodam
splendore animi conspici, ad dignitatem referre
omnia, sine quâ nihil vnquam homini libero est
expetendum in vita: præsentis fructus negligere,
posteritati & gloriæ seruire, id optimum, quod re-
ctissimum sit, putare, corpus hoc ex elementis cor-
rupti, ni continuæ obnoxij cōpositum etiam ma-
ximorum Principum esse mortale: animi verò im-
mortalis, & virtutis gloriam immortalē cogitare;
hec demum est sapere, frui animâ, & gloriosæ vi-
tæ altissimas radices agere; cuius laurea nullâ tem-
porū diuturnitate suam est amissura viriditatem.

His mul-

Hic multo insignioribus bonis, cum usq; in admirationem venerit noster TYLICIVS, non miremur in eo illa, quæ vel alienæ innituntur gloriæ, vel in ipso externo splendore consistunt. Frustra enim corporis quærentur simulachra, vbi insignis aliqua imago animi apparuit. Quis dubitet eum generosissimis ortum maioribus, in quo tam singularia ad vitam cum dignitate agendam præsidia extiterunt? quiq; propriâ virtute ac industriâ perfecit; vt cum esset nobilissimi equitis filius, summâ honoris amplitudine, in Regno hoc viris fortissimis & sapientissimis florentissimo, & grauissimi Senatus auctoritate, & Regū gloriosissimorum iudicijs dignus putaretur. Omittamus igitur de genere dicere, quod & recentissimorum hominum sermo, & annalium vetustas probat fuisse semper domesticâ laude celebratissimum. Illud potius augustioris animi decus, illam mentis excelsum, quæ se amplissimo quoq; honore dignum existimat intueamur. Hæc enim vt cæterarum omnium virtutum splendidissimum ornamentum, & quasi pulcherrima varijs ijsq; preciosissimis honestatis vniouibus insignita corona: effulset in capite summi isti? ad conseruandam Rempub: nati

hominis. Nā vt primū intellexit è viris in Rep:
primarijs, rarissimas illas ingenij & eruditionis
opes, quas Deus præpotens ad iuandos & tutan-
dos alios in se liberaliter effuderat, summo hono-
re dignas censeret: magno & forti animo contem-
psit caduca hæc & fragilia puerilibusq̃, consenta-
nea crepundiis bona: cumq̃; posset ociosam, & qui-
etam ætatem, sine vllō labore & contentione tra-
ducere: maluit laboribus, vigiliis, periculis, vite
deniq̃; ipsius dimicatione ad summam laudem cō-
tendere. Illum verò in primis suarum contentio-
num spectatorem esse cupiebat, à quo in hanc sta-
tionem vitæ, cum excellentissimis & ingenii &
animi facultatibus missus est: vt eum propagatio-
ne boni cōmunis imitando, pio gratitudinis cul-
tu veneretur. Ita cæteri optimorum factorum
exemplo, ad similem venerationis ardorem exci-
tabantur; ipsa verò gratissima posteritatis memo-
ria, in cuius etiam nunc iucundissimâ luce felicif-
simus quiescit, sponte sequebatur. Erat illi & alia
in Rempub: veniendi occasio. Videbat fortè viti-
um contra virtutem ferri vehementiori quodam
impetu, pluresq̃; communem sibi administratio-
nem arrogare, qui diuitias, voluptatem, honores,
saluti

saluti & dignitati vniuersorum præponerent: bo-
nos ciues cunctatione, & tarditate sua, de integri-
tate, & splendore publico aliquantulum deterere.
Itaq; ne improbitas tumore laudis falsissime in-
lesceret, aut virtus suam æstimationem amitteret;
accessit ad latus sapientissimorum & optimorum
ciuitatis custodum, vt arte regēdi hanc magnam
nauem melius instructus, ostenderet instar periti
artificis cæteris ineptè ambientibus, vel vti igno-
rantibus: quis esset vsus, conditio, studium, pon-
dus, autoritas, ciuis in Rep. Cæterum quia sciebat
honorem esse externum signum excellentis alicu-
ius probitatis; non existimauit properandum esse
ad præmia, quæ non nisi bene cognite, maturæq;
virtuti debentur: ne fortè leuissimo gloriæ vento
inflatus, ardorem in Patriam extingueret, sitiq;
ante debitū tempus expletā, prius fastidire, quàm
esurire verum decus condisceret. Grauiori iam &
constantiori ætate, post numerata in bellis stipen-
dia, post depositum gloriosæ fortitudinis apud ma-
gnos imperatores balteum, deniq; post deditum &
consecratum ipsi Deo animum, inflammatus ar-
dentiori quodam studio ad prosequēdum honestū
ingressus est in Remp: vt aliquo præmio quasi pi-
gnore

gnore obligatus, faceret suæ virtuti aditum ad immortalitatem. Nec diu id fuit expectandum: magnus enim Rex STEPHANVS, vt erat virorū speculator diligentissimus, statim illud ingenii & iudicii splendidioris lumē aspexit, atq; in proximo ad summos honores aditu virum posuit, magniq; Secretarii Regni honorificentissimo munere cohonestauit. Quo confirmatum nobilissimum peccatū, hoc vnum agere, cogitare, moliri, somniare cæpit: vt illustrioribus quotidie factis opinionem de se conceptā vinceret. Amare Patriam vehementius, Regem colere illustrius, vberiore Senatui spem polliceri, multitudinis oculos acris res in se vertere, sui putauit esse officii. Iam illis animorum pabuli de populatricibus, quæ nostram primam patriam, hoc est, metibus bona comedunt, rationem exuunt, lumen iudicii excæcant, ne aspectum quidem ex longiori loco concedit: & quorum venena nouerat non attigerat, eorum etiam nomen detestatur & perhorrescit. Frequens in ore ipsius: Currenti ad gloriā impetu honesto, nihil debere esse cōmercii cum languore mentis, aut aliqua corporis oblectatione; nihil cum intemperantiā ei, qui arcana nō Cereris Eleusinae, sed amplissime Polonorum Reipub: con-

credita

credita haberet. Atq; vt Pericles Athenienfium
toties purpuratum honorem cōcutiens in memo-
riam publici decoris veniebat; ita TYLICIVS pri-
mam illam honoris imaginem studiosè contem-
platus, admonebatur, ne quid citra dignitatem fa-
ceret: imò excitabatur, vt pro ea illustranda tueri
libertatem, salutem, vitam ciuium non defisteret.
Iudicio maximi prædecefforis fui commendatam,
& ſibi in rebus difficillimis cognitam virtutem
complexus SIGISMVNDVS Rex, altiori loco di-
gnam iudicat, quæ in grauiſſimo & moleſtiſſimo
Secretarij munere, tantam ſibi apud omnes bene-
uolentiam, laudem, admirationem pepererat. Vo-
catur itaq; cum luculentâ meritorum ſuorum cō-
médatione, aut potiustrahitur inuitus in amplio-
rem bene merendi campum, in Senatoriæ nimirū
dignitatis auguſtiſſimum Collegium: renuncia-
tur Culmenſis Epifcopus: fit ingens omnis gene-
ris, ordinis hominum plauſus, & acclamatio. Quæ
tumanimo illi fax appoſita? quæ cogitatio fan-
ctioris vitæ iniecta? qui ſtimuli ad maiorem glo-
riam ex pulcherrimis in Rep: actionibus compa-
randam ſubditi? Eſt quidem ſplendidiffimum,
ovirtuti, fidei, felicitati alicuius cōmendari Remp:

at curis, sollicitudinibus, molestijs, obtreccationibus vulgi, calamitatibus, plenissimum, vt Senator Romanus. magnificum imperij nomen, & superbam pompam licitorum paruis aliquando Italiae latebris optaret commutare. Quid in Ecclesie specula constitui? quàm periculosum, præsertim in ea, in qua tot fortes & magni viri rerum maximarum principia cum tot difficultatibus posuerunt? Magno hinc animo fuit opus ingredienti ad summos honores: exierit eum vir fortissimus, omnium suorum consiliorum & actionum exempla, ex summorum in primis hominum factis censet esse petenda; pietatis, iustitiæ, fortitudinis, prudentiæ, amoris ciuium, in magna fortuna humanitatis; & aliarum virtutum non se iam cultorem aut amatorem profiteretur: at custodem, vindicem, propugnatorem, fidelissimum, acerrimum, constantissimum protestatur: vt suo exemplo, ciues in maximis opibus continentiam, in summis honoribus legum æqualitatem colant, discantq; compri-mendas esse libidines, extirpandam lucri cupiditatem, pellendam luxuriam, ponendas simultates, donandas inimicitias, vt sancta seruetur Reipub: societas. Videt & cum Episcopatus honore
venisse

venisse nouum angorem vigilantia, atq; custodie ciuium, non Romanorum aut Atheniensium, at splendidissimae illius Hierusalem adscribendorum ciuitati, quos ipse summus mundi Princeps, proprio quaesuit sanguine. Hic iam vitium est non esse optimum, vitae innocentia & doctrinae praestantia non lucere; impium: propria potius lucra quam ea quae Christi sunt, per suscepti muneris gratiam consecrari, sacrilegium. Neque hic animo cadit, multum sibi de illius gratia, qui virtutes excellentiores ex infirmitate nouit producere, pollicitus; tuetur se, domumque suam ab omni peccati labe, humilitatis profundius iacit fundamenta, amoris ignem in Deum, in gregem colligit luculentiorum. Nec satis putat morum sanctitate, sapientiae splendore, commissas oues ad virtutem incitare, aut maculas, vlcera, contagia, summam diligentiam tollere; imponit sibi necessitatem perpetuo in omni honestate atq; virtute proficiendi neque propositam etiam poenam, inuidiam, morte ab eo, quod omnium salutem, Ecclesiae dignitatem, Dei gloriam spectet, recedendi. Quae omnia mox in vitae eius actionibus pulcherrime effulserunt: nam & domestici beatissimos se fore putabant, si secum

quàm diutissimè commemoraretur, & proximi piâ
æmulatione, tam bonum Episcopum Culmæ in-
uidebāt. Non enim Ecclesia ab eo quidquam desi-
derauit, non senatoria dignitas vllâ re diminuta
aut obscurata est: gaudebat Cathedra Episcopo,
clerus patrono, nobilitas vniuersaq; Culmensium
prouincia, tam fidelem, diligētem, benignum præ-
sulem venerabatur. Sola religionis nouæ impo-
sitæ turba ingenti animi metu trepidabat, ne for-
tè auersam nuper callidissimis insidijs nobilissi-
mâ prædâ, turpissimè dimittere cogeretur. Neq;
hic metus illius erat inanis: vt enim in aspectum
pastoris venit insolitus Ecclesiarū squalor, iniuri-
arum cōtumeliarumq; à furiosissimis hominibus
illatarū magnitudo, cōsurrexit iusto dolore con-
citatus animus, perq; omnes aduersariorum dolos
& fraudes viam sibi muniuit ad gloriosos ex li-
bertatis Ecclesiarum vindicatione triūphos. Im-
mittit primū acerrimi ingenij lectissimos iuue-
nes in seminaria, artibus exercitationibusq; pie-
tatis continentia, diuinarum literarum, instru-
ctissima, quos deinde confirmatos & bene exerci-
tos per diuersos Episcopæ suæ locos in excubijs &
statione collocaret. Ipse interim acceptis aliquot

vetera.

veteranorum turmis, ex proximo quoq; doctissimi-
morum Theologorum Collegio, iustum bellum
in pace suspectâ quærit: mores, vitam, religionis
puritatem lustrat diligentissimè per suam dioce-
sim. Vix hostis aduentâtem subodoratus est, fugit
in densissimas tenebrarum Saxonicarum siluas, de-
speratâ latibulorum spoliolum recuperatione. De-
seruntur belluarû immanissimarum spœlea, relin-
quuntur tēpla nostrorum, fædissimo (proh dolor)
contagio deformata, vincitur temeritas, cadit per-
fidia, fugatur improbitas, dissipatur impietas, liga-
tur conuulsio, infirmitas sanatur. Quid multis?
propè sexaginta fana nobilissima vno aduētū atq;
aspectu tulit gloriosus victor ab iniustis possesso-
ribus, sine cæde & sanguine: sola animi prudentiâ,
constantia, legum iudiciorumq; autoritate confir-
matus. Iuerunt captiuæ in triumpho antiquis o-
pibus & potentia superbæ ciuitates, quæ frustra
paulò ante occupatas, per amplas & dote grandi o-
pulētas basilicas (in signia piorum Catholicorum
maiorum suorum monumenta) summa vi & con-
tentione retinere voluerūt. Recepta veteribus do-
minis omnia, datum insuper ius domicilij religio-
sissimis hominibus, inductum pastoris officiū, po-

testas docendæ plebis reuocata, Sacramentorum
administratio, & alia sanctissimæ fidei nutrimen-
ta liberè proposita, summâ cum admiratione, imò
ipsorum ob datas manus maximo pudore populo-
rum. Abite superbæ gentiliû oleastri, cedite lau-
rorum aut apiorum viridâtia folia, vilescant om-
nes quantumuis magnifici, quantumuis splendidi
equorum, curruum, ordinumq; variorum appara-
tu: rideris & tu effusa ex vrbibus in gratulationes
triumphatorû multitudo. Animæ hîc diuinâ splen-
dentes immortalitate in opimis spoliis habentur:
non corporum fragilitas brutis animantibus com-
munis. Sacerdos summi veriq; Dei inuehitur ful-
genti ardentissimæ charitatis curru, non aliquis
Fabius aut Scipio, eboris aut auri opinione stultif-
simè fascinatus. Purpuratam gerit hic front: pre-
ciosissimo filij Dei sanguine; non vilissimi ebuli
baccis aut minio fallacissimo nitentem: iugum est
trium equorum generosissimorum Dei, Ecclesiæ,
Patriæ amor, non vnus ignauissimus caballus, cu-
ius nomen ingratisimum SIBI sanctam vbiq; dis-
soluit scietatem. Spectatores, ductores, gratulato-
res sunt potentissimæ ac sapientissimæ beatorum
mentium legiones; non ignobilis vulgi sine por-
dere

dere numerus. Fælices captiui, qui ad vitæ dignioris libertatem præmiis amplissimis inuitantur, nõ angustissimis compedibus trahuntur ad barbaricę seruitutis turpitudinem. His tot tamq; splendidis altissimarum virtutum exercitiis percussa malevolentiaę seu inuidiaę tabes, non iam in omnium animis liberę, iucundeq; regnanti viro fortissimo, fumum aut caliginem subiicere, aut insidias potuit machinari. Tanta enim illi creuerat dignitas, vt Regiam voluntatem, & Senatus beneuolentiam in manu (vt dicitur) haberet; populi incõstantiã nihil in TYLICIO honoribus augendo constantius. Vni uerſi enim ex nobilitate pari animorum confessione sociati ingrediuntur in curiam, atq; vt vices Cancellarii IOANNIS ZAMOSCHII, cuius & quãti viri? satis dico apud orbem terrarum ZAMOSCHII Episcop^o Culmenſis TYLICIVS obiret, prolixã meritorum ipsius commendatione, & summã dicendi vi efficiunt. Munus quidem illustre in Repub: in cuius tutela salus & libertas omnium ciuium continetur; at ex ipsis molestiis & difficultatibus contextũ. Quid ita graue, vt ex eo loco prospicere, vnde oculis, auribus, studiis summorum, mediolorum, infimorum seruiendum est? Ille negotia externa
de rebus

de rebus grauiſſimis cum Pontifice, cum Impera-
tore, cum Regibus, & Principibus maximis inire,
tractare, componere, expedire: ille ne aliquam li-
bertatis diminutionem ordo quifpiam Reip: pa-
tiatur, diſpicere: ille Euripum popularis multi-
tudinis in tot affectus identidem aſurgentem pru-
dentiâ tenere: ille iudiciorum omnium lites, mo-
leſtias, contentiones excipere, concoquere, ſeda-
re: ille literis ſupplicatorijs ad Regiam Maiestatem
aditum facere; & quibusq; diuerſorum hominum
poſtulationibus reſpondere. Dicam breuiter; Vi-
ce cancellarius omnibus debet eſſe omnia & ſingu-
lis ſingularis. Et tamen in illo negotiorum tumultu,
nemo a ſuperiore eius vultum accuſauit, nemo
de aditu difficiliore conqueſtus eſt, nemo acerbum
reſponſum accepit, nemo humanitatem, nemo cõ-
ſuetudinem, nemo conſilium, nemo deniq; auxi-
lium requirebat. Regi ſuo manus, oculus, in omens
fuit, Senatoriæ grauitati in ſigne decus, nobilitati
certiſſimum perſugium. Turidicundo, aut cauſa-
rum cognitioni quoties vacauit nihil illi fuit alie-
nius præcipiti ſententiâ. Cum enim cor in dextro
latere haberet, hoc eſt, vt hiſtoricorum grauiſſimè
vertit, de omnibus benè ſentiret; non niſi diligon-
ter pon-

ter ponderatis & examinatis factorum circumstā-
tiji, & rationum momentis, vel ad erigēdum, vel
ad affligendum quempiam extremo verbo, addu-
cebatur. Videres illam ab antiquis confictam iu-
stitiæ laudatissimam imaginem, cuius caput cælo
cōdebatur: reliquum corpus in terrā fuit demersū.
Quidni enim dicam in cælo caput fuisse diuini
huius viri, qui in consiliorū inquisitione, in sen-
tentiā promulgatione, ipsius Dei præsentissi-
mæ præsentia cogitatione mouebatur: & ex soli⁹
oculta inspiratione sapientissima proferebat ora-
cula decretorum? Relictus erat in terris dimidius
ille homo, quem aliquando varietas perturbatio-
num solet permiscere: in terris (inquam) fuit reli-
ctus, hoc est, in vilissimi sui ortus & interitus con-
templatione: cumq; intelligeret omnes istas iucū-
ditatum, honorum illecebras mox abituras, solā
benemeritorum conscientia recreabatur. Nec vl-
la esse potuit tāta largitionis machina, quæ in eo
integritatē boni iudicis expugnaret. Quapropter
amantissimus bonorum ciuium Princeps, in om-
nem augendæ dignitatis ipsius occasionem inten-
tus: orbitatem illi Varmiensis Episcopæ cōmen-
dat, opulentissimā & suo sponso honoratissimam
ditio-

ditionem. Nempe vt reliquam Prussiam zizanijs
falsarum religionū, aut paleis remissiorū Catholi-
corum fælicissimus ei rei Episcopus per purgaret.
Esse in viro prudentiam, vt sciret, bonitatem vt
vellet, autoritatem vt posset licentiū grassantem
audaciam cōprimere aut perdomare. Quid ageret,
qui semel omnibus periculis se pro Christi heredi-
tate deuouerat, quiq; benignissimo Regi in re tam
iusta non obtemperare, sceleris loco ducebat? Iuit
iterum aduersus pestiferæ doctrinæ profemina-
tores, nullum sacrificium gratius Deo ratus tali
pietate. Si enim ethnici patriæ conseruatoribus,
aut amplificatoribus certum ac definitum locum
in cælo assignauerunt: quid nos (inquit) sperare
debemus, qui pro illa cælestis patriæ amplificati-
one, sub vexillo potentissimi, & nostri amantissi-
mi Imperatoris dimicamus? Ipsum illud æterni-
tatis præmium ita virtutis amplitudinem propa-
gauerat, ita accessiōis gratiæ Dei certum reddide-
rat, vt crederet, etiam sedendo irruentes grauiissi-
mascalamitates se posse repellere. Neq; huiusmo-
di spe vnquam excidit, qui Reip: curam cum Ec-
clesiæ studio, tam sapienter attemperauerat, vt
cū huius magnam rationem duceret, illam non
negli-

negligeret: quantoq; dignitas Ecclesiastica omni
fulgore sæculari præstâtior est, tanto illius quoq;
grauiore duxit habendam esse sollicitudinem.
Hic ego non cōmemoro arctiora ieiunia, feruenti-
orem orationem, longiores vigiliâs, humilita-
tem cum magnitudine animi mirabiliter copula-
tam, susceptam pupillorum curam, sumptus indi-
uersorum Collegiorû, Academiârum, adolēscen-
tes, factos, religiosorum hominum charitatem,
nouâ quotidie sui Episcopi liberalitate recreatam:
& alia innumera beneficentiæ exempla, quibus
fælix Varmia suos pascebat oculos, & quorum il-
le possessionem quasi hereditariam vsq; ad extre-
mum vitæ spiritum sibi reseruauerat. Quamobrē
Varmiēsēs nihil optabât ardētius, atq; Tylicianâ
prouidētia cōtineri, illiusq; iucūdisimo vultu per-
petuò recreari. At eâ voluptatē intercipiēbant fre-
quentissima Regni negotia, quibus ille expedien-
dis penes curiam Principis præsens esse debuit.
Grauis illi tum cæpit esse Vicecancellariatus: non
quod publici laboris molestiam defugeret; at quia
suos aspiciēbat incredibili sui desiderio fatigari:
quòdq; timeret multùm, ne in illâ luporû viciniâ
ouis aliqua periret, aut inficeretur. Ita q; post redu-

Etum iterū fæliciter è patrio regno SIGISMVNDVM
TERTIVM Dominum nostrum Clementissimū post
expeditam grauioribus negotijs Remp: missionē
petere à curia, fidei Symbolum à Rep: cōmissum
in eius sinum reponere instituit. Cæterum inanis
hæc fuit cogitatio. Rex enim collecto ex diutur-
na fidelissimi comitis consuetudine affectu maio-
ri, statuit eū in proximis habere: vt ex illi⁹ diuite
iudicij penu, salutaria Reip: consilia incurrente
necessitate depromeret. Fert occasio Episcopatū
Vladislauiensē proximam primæ in Regno Po-
loniæ, & opum copiâ, & honoris splendore, & lo-
ci autoritate sacerdotij dignitatem. Illustrat bo-
nus Princeps suam in virum, & in præclarè de
Rep. merentes, voluntatem. Magno quidem ista
constabant apud eum, qui hæc nondum penitus
spreuerat; TYLICIVS sola meritorum suorum grati-
tudine oblectatus: quasi verò & excellenti bono
paret autoritati Regiæ, obsequitur voluntati Sena-
tus, & reliquum sanguinem, curis iam & solici-
tudinibus grauissimis ferè congelatum, pro pa-
triæ salute, magnâ cum animi sui testificatione
pollicetur. Vnum tantum modò obsecrat, vt sibi
liceat iam ex illo loco in maiorem patriam, vbi
veriores

veriores honores, amplioraq; præmia decernuntur, euolare. Ipſius Eccleſiæ curâ ſuſceptâ ea primùm aggreditur, quæ fortes Rozrazouij, Tarnauij, & cæteri huiusmodi viri maximis ſuſceptis laboribus attentârunt. Neque ignorabat pulchrè res magnas ordiri, & impetu quodam ad incrementa contendere multorum eſſe: propoſita verò ad finem deducere, & ſicubi fortuna vel potentû improbitas obſtiterit, ratione, iudicio, conſilio, animi fortitudine, ſuperare paucorû: nihilominus pro ſanctiſſimis Eccleſiæ legibus, pro in flammata in cultum Dei piorum hominum voluntate, auſus eſt potentiſſimos aduerſarios in certamen pro-uocare. Quod ſi diuina ſapientia, gloriã hanc non ſeruaffet aliorum laboribus, non eam reliquiſſet inchoatam. Spectatum verò ſatis & probatum, quaſi ſtatuã tot victorijs nobiliſſimis honoratam in altiorem dignitatis gradum erigere decreuerat, vt multò plures haberet ſuarum ad immortalitatẽ contẽtionum admiratores. Cùm enim Macieicui⁹ Cardinalis, vir animi innocentia, grauitate, conſtantiã ſingulari, ſuperato clariſſimorum maiorû ſuorû ſplendore, in Archiepiſcopatum Gneſnenſem, hoc eſt in ſummã honorum amplitudinis in

Polonia gloriam, à diuinarū virtutū maiestate sub
lat⁹ ascenderet; de Episcopo Cracouienſe vix in-
cidit mētio, TYLICIVM omnes cogitāt, omnes loquū-
tur, omnes expetunt: quòd nemo ad illam morum
ſanctitatem, amorem ciuium, fortitudinem ſena-
toriam, Eccleſiæ zelum MACIEIO VII propiùs ac-
cederet. Factum ita cum ſumma voluptate Regis,
qui magis in dies ſplendenti virtuti ſui Episcopi,
quotidie maioribus honoribus optabat gratulari.
Quid? non ſatis iam gloriæ vixerat, non iuſtum
pro ſuis in Remp: meritis acceperat præmium?
non Episcopatus Cuiavienſis ſatis commodus, aut
illuſtris ad amplificandam Reip: dignitatē? Satis
quidem; at quantumuis aliquid amplum ſit, id cer-
tè parum eſt, ſi quid eſt amplius. Quid verò am-
plius poterat cogitare animus tam pius, tam grat⁹:
atq; illum locum ſplendidiffimo ſuæ dignitatis
lumine illuſtrare, qui adoleſcentem liberaliter e-
ducauit, qui Preſbyterum primâ ſacerdotij ſplendi-
dioris dignitate ornauit? Obuerſabantur animo
illius cū gratiſſima recordatione educatores, atq;
doctores ſui in Academia Cracouienſi, domus illæ
ſanctiſſimæ, in quibus olim altus, educatus, doct⁹
eſt: ſuauiſ erat memoria illius temporis, cum in

Ecclesiam primariam, Diuo STANISLAO Martyre
celebrem, surculus infereretur: veniebant in men-
tem viri admirabiles, quorū ille consuetudine iu-
cundissima in eodem Collegio fruebatur. Quod si
Deo religionem, parentibus pietatem, benemeritis
gratiam & memorem animum, iustis honoribus,
& honestis officijs persolvere boni ciuis est: si vel-
le ibi cum gratitudine mori, vbi verè natus sis, in
quadam fælicitatis parte numeratur: quanta laus
huic viro debetur, qui reliquam ætatem inclinatã
non commoditatibus, non ocio cum dignitate, sed
negotio, sed labori glorioso destinavit; modò illã
voluntatem gratam, atq; suæ pietatis studium, in
eos quos ita amauit, insigni aliquo testimonio de-
clararet. Accipit ergo Ecclesia Episcopū, quē olim
dimiserat Canonicum; salutat Academia Cancel-
larium, cuius iam liberalitatem, & patrocinium
in grauissimis difficultatibus fidelissimum agno-
uerat: Nobilitas vniuersa magno cum splendore
occurrit Pastori, atq; suis humeris, suum illum Vi-
cecancellarium infert vrbi, cathedræ cum honore
imponit. Quid me necesse est repetere quib⁹ in Epi-
scopatu Cracouien si luminibus, quauè gloriæ pul-
chritudine resplenduit? Vt enim sol ingressus in
Leonis

Leonis signum, maximè suos radios explicat, caloreq; vehementiori incendit omnia; ita ille in sublimiore dignitatis fastigio positus, multò maiores virtutis fructus edere; multoq; clarioribus factis illuminare cæpit Dioecesim Cracouensem: sanè priora illa quæ incredibilem excitarent omnium admirationem, obscurabantur. Quanta in comitijs dicendi pro integritate Reipub. libertas! quanta in senatu grauitas imò reuerentia! cum velut Græcorum Nestor, aut Romanorum Arpinas, melle dulciorem, & ipsa sapientia sapientiorum funderet orationem! Non Principis maiestas, non Collegarum amplitudo, non Tribunorum potentia turpe putauit in vni⁹ hominis inclinare sententiã, quem sciebat vehemèter amare bonum commune & singulari præstare iudicio. Eo præsentem nullus in ordinem senatorium licentię fuit locus, nullus inquietis aut turbulentis hominibus aditus, omnium operarum molitionumq; occultarum facultas præcludebatur. Quid enim tentaret improbitas, vel audaciã eo audiẽte, cuius iudicij splendor vix oborientes tumultuum nubeculas præuidere, & anteuertere, ciuium procellas aut tempestates populares, scienter componere didicerat: quiq; sui corporis ruina conseruati

seruationem Reipub: dignitatisq; consularis autoritatem, bene emi credebat. Non illum ab innocentiae defensione improbitatis vis, non à iustitiae vindicatione impietatis furor; non ab oppressorū leuatione, licentiae insolentia reprimebat. Quoties frustra infremuit prauitas heretica, elusi factiosorum hominum conatus, præcepte consilio insidiæ, cōpressa animi magnitudine audacia? Quam obrem Regi gratissimus, ordini suo charus, nobilitati bonarum partium studiosæ, vt verus Pater Patriæ, omni veneratione colendus extitit. Iam in Ecclesia Episcopus, quâ integritate vitæ, morū comitate, prudētia? quàm deniq; augustiori virtutum choro emicuerit, quàm artificiose, quàm iucundè summa humanitas cum seueritate summa coiuerint? Dicebant multi: non abijisse à Cathedra Cracouiensi Macieioy facilitatem: multi bonitate illius superati, relictis profligatæ vitæ necessitatibus, ad eum imitandum totos se composuerunt: multi intelligentiæ perspicaciam non audentes prouocare, excubias, & diligentiam acrem timuerunt. Qui enim annus fuit, quo vel ipse vibem, vicos, oppida, ciuitates non circum iret, vel pietate, & doctrinâ insignes viros mitteret? qui alios

fuīs cohortationibus tenerent in officio, alios con-
filijs sapientissimis ad propriam vitæ stationem
reuocarent! Quid illa fulmina ab Ecclesiæ pote-
state proiecta? quid gladius ille Petri in media lu-
ce hominum districtus agebat, cui⁹ latus aut caput
illa generosæ mentis acies in proiectissima perdi-
tissimorum hominum insolentia petebat, pro cui⁹
honore, pro cuius dignitate, religione, aris, focis,
tanta dimicabat contentione? Dignus qui ob vul-
tus maiestatem & reuerentiam non illi multorum
millium interfectori Iulio; sed suo Patrono arden-
tissimo iustitiæ propugnatori Diuo Stanislao, aut
fortissimo Antistiti Zbigneo conferretur: qui in-
territo, & constanti animo pedum boni pastoris
gestare sciuerat. Eius iudicio debet augustissimum
Cracouien: Ecclesiæ Collegium, hunc ordinē pul-
cherrimum, hæc propugnacula, & ornāmēta viro-
rum, quorum singulos, ob generis, vitæ, sapientiæ
lumen; infulâ & curru senatorio dignissimos iudi-
caueris: ei acceptos refert Diocesis tot eruditos, gra-
ues, modestos Ecclesiarum præpositos, tot sacerdo-
tes pios, & suæ vocationis diligentissimos obserua-
tores. Petrum suum loquetur ingentis magnitudi-
nis fusa ex argento & in Ecclesia patronorū Regni
collocata

collocata Petri Apostoli statua: parietes interiùs
& exteriùs, iam picturis, iam peristromatibus pre-
ciosissimis exornati, pomeria ex quadrato lapide
erecta, basilicę dotatę, plenę fornices, plena alta-
ria, arte laborata, & Salomoneo templo dignissima
suppellectili, cultu, vestitu, & quę diuino officio,
cum quadam maiestate celebrando sunt accomo-
data. Quem affectum in honorem Dei per plures
locos testatus est insignibus testimonijs: nempe vt
supremus in aliqua domo paterfamilias abiturus
in longinquam regionem, in liberorum, propin-
quorum, familięq; vniuersę animos infigit pro-
fundiolem sui memoriam: ita TYLICIVS magnus
in hac vrbe quę est istius Regni præcipua, sacer-
dos post tot honorificentissima donaria Principi-
bus, collegis, familiaribus, amicis, relicta, ferè in
omnibus primarijs Cathedris, tanquam suis cogna-
tis singularia nominis sui monumenta deposuit.
Narratur plures certasse vrbes de ortu Homeri, ob
ingenijs diuini præstantiam; cur non magis verifi-
mile contentiones facturas, in ornanda TYLICIBE
beneficentia præstantissimas Dioceses? Dicet eni in
Gnezna suū; Posnania suum: Culma, Varmia, quid
non facient? Mitto Lenciciam, Præmissiam, &

alia illustrium sacerdotum collegia, quæ omnia ostentant pignus amoris TYLICIANI. Quid superbis Koualium templi magnificentia, turrum celsitudine, propugnaculorū munitione? quid reditu amplo superbis, opes tui benefactoris iactas? nutricem te potius dixeris non coniugem, aut sponsam Tylicianam. Quis explicaret in pupillos & omnis generis pauperes indefessum beneficentiæ studium? Visitatum fuit singulis annis in eam rem duodecim millia florenorum effundere: nec tamen incurrens necessitas, aut aliorum calamitas, ab illius bonitatis perfugio frustra dimittebatur. Hic conditi fuerant sumptus templorum erigendorum, reficiendorum, vindicandorum; hic apertū penu religiosorum ferè omnium, hic mensa instructa pauperum clericorum: utq; Cimonis liberalitas quemuis Laconem parato obsonio; sic TYLICII animus ab omni sorde, & angustia alienissimus, omnes indigentes certissimo auxilio excipiebat. Academici ingenij in petendo verecundiam, cum sciret suo incommodo esse modestiorem, prudentissimè nostrā necessitatem solebat antevertere. Ipsa ruentium auditoriorum fama supplicabat satis, ipsi parietes Collegiorum inclinati ferendam sibi opem egregiè

giè per suadebant. Contubernio pauperum studio-
rum antiquæ illi Ithacæ, asperæ quidem & in sa-
xis inopiæ pendēti, viris tamen non infæcundæ;
ille, vt ex vastissimis ruderibus quàm primum af-
surgeret, promptam & fortem manum porrexit,
vitamq; suæ olim altrici charissimæ, à qua olim
vitam acceperat, magno cū fēnore reddidit. Quod
si parem voluntatis memoris significationē plu-
res eiusdem domus antiqui alumni imitarētur, qui
hodie & in Ecclesia, & in Regno pulchrè splen-
dent, iam diu paupertatis ingratum isti sēculo
nomen amisisset: Vnus TYLICIVS post. Annæ Ia-
gielloniæ Diuæ Polonorū Reginae propriam san-
ctissimis Iagiellonib⁹ in suam Academiam, omniq;
sæculorum memoria prædicandam liberalitatem,
testatus est posteritati: quo animi affectu fuerit in
suum illud vetus hospicium, in quod fæliciter di-
uerterat: vt hæc, quibus tam bene profuerat omni-
bus, præsidia mercaretur? Nam & viuus nullam
propagandi sui nominis dimittebat occasionem;
& mortuus, ne quis à se desideraret grati animi
mumentū, honestissimi eiusq; perpetui effecit
census donatione. Quæ autem de ipsa Academia
cogitatio? quod consilium: hūc omnes opes anti-

quæ & recentes, hûc omnis industria directâ, vt
quod magni Radiuili, Macieiouij, Rozrazouij pul-
chrè cogitauerant: ille sæliciter, ac gloriosè exe-
queretur. Istis auribus hausim⁹ & arripuimus illud
pondus verborum in aliquo adamante ad immor-
talitatem sculpendum: V E L L E M C H A R I S-
S I M A M M A T R E M M E A M A C A D E-
M I A M C R A C O V I E N S E M, G A L L I-
A R V M H I S P A N I A R V M, I T A L O-
R V M, A C A D E M I I S, & S I Q V I D E S T
A P V D E X O T I C O S I N S A P I E N T I A
S P L E N D I D V M, P A R E M F A C E-
R E: V T C I V E S M E I D O M I H A B E-
R E N T, Q V O D T A N T O S V M P T V;
T A M F R E Q V E N T I V I T Æ P E R I C V-
L O F O R I S E M V N T. O propriam Episco-
picuram! O seriam boni Senatoris cogitationem!
O ciuis patriæ amantissimi sanctissimam pieta-
tem! O natam, aut potiùs cœlo demissam Acade-
miæ fortunam! Vtinam ingredientem ad nos diui-
ni luminis radium, subitò exoriens turbo non auer-
tisset. Heu quantum regno huic ornamentum abijt.
Successère mox grauissimarum tempestatum pro-
cellæ ab illis portentis & funeribus patriæ conci-

tatæ, quæ in fortunâ, patrimonîa publica, priuata,
in lachrimas deniq; & sanguinem pauperum sce-
leratissimâ se obstrinxerant religione, cum sum-
ma generis Poloniæ labe & ignominia. Neq; licu-
it perturbatâ Rep: illoq; strepitu, & suspicione pe-
riculosissimi tumultus dominante, de pacis alum-
nis quicquam statuere. Sedatis aliquantum fluctib⁹,
respirante ciuitate, veritus ne iterum aliqua tem-
porum iniquitas vel partem aliquam suarum cogi-
tationum dissiparet, profert hoc post Academiã con-
ditam vnum singulare omniq; ætati alendum bene-
ficium. Cuius ego laudator designat⁹, cuperem ita
contentâ voce proclamare, vt exaudiret ab omni-
bus clarissimi huius imperij prouincijs: aut ita diui-
ti orationis copia affluere, vt illi⁹ maiestatis & ma-
gnitudinis vel extrema attingerem. Emittere hîc
esset beatissimus aliquis eloquentiæ fluuius; vt viri
tanti altissima æternitatis spacia cõtemplantẽ ani-
mum pari exequaret plenitudine. Quæ enim cogi-
tari potest illustrior beneficij amplitudo, atq; ea
donare, quæ cum omnium seruiant vtilitati; nun-
quam tamen à suis possessoribus auferuntur. Faci-
le perditur pecunia, deflorescunt honores, excidunt
consilia, diffuuntur amicitie; sola virtus, sapientiã;

&

& eorum vsus, firma, stabiliaq; censentur. Perierit ergo pecunia, quam ille frequentissimè in vsum Reip: tum Regi suo, tum bellatoribus fortissimis offerebat promptissimus: at memoriam præclari nominis sempiternã nulla ætas est abolitura. Quamquam illam pecuniam nemo existimat perijisse, quæ pauperum manibus, afflictorum suspiriis in conspectum Dei sublata est: qua pasti, vestiti, recreati, vel potius pastus, vestitus, recreatus est in eis Christus. Cæterùm videte, quanto veri honoris desiderio flagrauerit, quamq; sapienter accenderit quæque generosum, virorum summorum imitandi studio. Ardebat ipse cupiditate incredibile, relinquendi vitæ in Rep. laudabiliter actæ testimonium: non ignarus, clarorum virorum ocij, & negocij rationem extare debere. Vidit quàm facilè abeat hæc ex quibusq; splendidissimis meritis comparata gloria: quamuis enim non effugiat illius oculū, & pondus, qui ex altissimo cœli vertice omnia nostra perspicit: alios tamen ad aggredienda similia non extimulat. Quid ille egit? Sum (inquit) Episcopus, sum & Senator, in opibus honestissimis per diuinam clementiam, & Reip. voluntatem constitutus: vtriq; gratia est referenda. Et cùm

chari-

charitate & misericordia nihil esse prius debeat sacerdoti; habeat Nosocomium Cracouiense nouem millia, vt viri pij, & religiosi, etiam me hinc abeunte oleum misericordiae nunquam deficiens in aegrotorum calamitatem infundant. Pulcherrimum sanè gloriae solide principium in perpetuo benefaciendi desiderio exstructum: digna principe, digna sacerdote deliberatio: velle viuens, & moriens non in propinquorum dignitatem, non in superbos luxus, aut vanissimorum monumentorum admirationem: sed in miseros, afflictos, vexatos, voluntatem testari propensissimam. Iam verò senatcri prospiciendum est de futuro Reip: statu, quem cupio esse semper florentissimum: non enim verè amat, qui non semper amat. Quoniam verò constat, consilio, sapientia, rerum maximarum tractatione, bonisq; artibus res admirabiles in vrbibus geri; his praesidijs diligenter instructam esse vellem hanc sobolem & hanc generosam nostrorum ciuium segetem. Quippe optimarum disciplinarum cultus, & sapientiae studium vbi floruerit, opes, honores, virtutes, omnem deniq; faelicitatem ibi florere necesse est: is mihi ad honorum gradus erat aditus, eundem puto iuuentuti nostrae aptissimum. Craco-

uicēſes præceptores primū timore Dei me imbue-
runt, mores composuerunt, exemplis, & admoni-
tionibus efficaciffimis ad omnem me honeſtatem
excitauerunt. Neq; me pænituit vnquam huc defle-
xiſſe, & Grebſciorum, Mareniorum, Gorſciorum,
aliorumq; inſignium profeſſorum lateri adheſiſſe:
nam & miles in acie, & ſacerdos in Eccleſia, & Con-
ſul in ſenatu eas literas, quæ ad humanitatem in-
formare ſolent, in omnem vitæ meæ uſum traxi.
Non ego puto audiendos, qui nobilem hanc diſci-
plinam, vel puerilem, vel inanem, aut inſidiatri-
cem uocitant. Adoleſcentum quidem ſunt præce-
pta, uſus autem uirorum, eorumq; præſtantiffimo-
rum proprius: neq; in perniciem alterius dicere, eſt
rectè dicere. At ſi quid eſt in me iudicij, fideliffi-
mam hanc uoco Eccleſiæ adminiſtram, Reip: re-
ginam, ſcientiarum omnium ornamentum: hac
libertatem nutriri, dignitatem noſtræ gentis illu-
ſtrari uehementer optarem. Ecce & quantum poſ-
ſum, poſt abeuntem calamitoſi temporis aſperita-
tem, iuuo: inſero nouum in Academia Cracouien-
ſi ſurculum, emo decem millibus profeſſorem Elo-
quentiæ, qui mea uoce loquatur ad iuuentutem,
quiq; nouas quotidie ſubmittat copias Eccleſiæ &

ciuitati;

ciuitati: ipse dum adhuc læguentem spiritum tra-
ho, hoc suauiſſimæ parenti offero, vt ſit hæc velu-
ti perpetuum meæ in illam pietatis & obſeruan-
tiæ documentum: accipite, tollite, & vt quam-
primùm hunc meum doctorem audiam, efficite.
Quis hîc vel nō ſtupet præ munificentia, vel præ in-
genti lætitiâ non ſoluitur in lachrymas? Solus nē
fuiſti optime TYLICI in eâ dignitatis altitudine
collocatus, qui vbera huius matris ſuxeras? ſolus
boni Academici promotorem in illuſtri fortuna
te memineras? Quid? non ſuffecere tot labores ſu-
ſcepti, tot curæ ſuperatæ, tot factæ contentio-
nes, tot ſumptus effuſi pro integritate & ornamē-
tis Academiae conſeruandis: quorum minimum
periculum maximo tuo periculo auertere paratus
fuiſti? Date veniam Iuriſperitorum conſultiſſi-
mi, & tu, ex cuius hi bibunt fonte ad vitam formā-
dam inſtituta, Philoſophia, ſi dixerò TYLICIVM
viciſſe pietate, beneficia parentis. Nam ſi Reges
magnis ſummâ colimus veneratione, quòd ab iis
vitæ iſtius honeſtioris ratio, fortunæque nobis ali-
quæ venerint: ſi principum in Repub: virorū gra-
tiam ſeruamus in mente, quorum beneficio & hæc
tenemus, & cæteris aucti ſumus: ſi ex nobilitate

Illustrium virorum gratam erga maiores nostros
voluntatem in quibusdam monumentis splendidi-
oribus admiramur: si eorum denique auctoritatem
reueremur, quorum iudiciis & auspiciis in hac vr-
be amplissima, & in hac Poloniae luce collocati
sumus: immensum quiddam est, quod TYLICIO de-
bemus, cuius providentiam & sapientiam, hæc omnia re-
cuperavimus, & alia illustriora accepimus. Hoc ni-
mirum specimen, hoc indicium animi, hoc lumē
sui Cancellariatus esse putavit Cracoviensis Epi-
scopus TYLICIVS, si Academię multo maiora, quam
acceperat reddidisset. Condatur hoc iam cum sarco-
phago, ACADEMIÆ SE QUID QUID ES-
SE T DEBERE: hoc verò vivat & regnet in o-
mnibus statuis, tabulis, imaginibus, scribatur, no-
retur, exprimat: TYLICIVM EPISCO-
PVM CRACOVIENSEM FVISSE
SEMPER PATRONVM, CONSER-
VATOREM, PROTECTOREM, AM-
PLIFICATOREM DIGNITATIS A-
CADEMICÆ. Satis fuisse etiam fore perpe-
tuum. Tanti enim æstimamus vel hoc vnum in-
staurati eloquentiæ studij beneficium, vt per illud
solum immortalitatem quandam consecuta vide-
atur.

atur. Videre iam videor viros patientiâ animi & corporis confirmatos, ingenij, & doctrinæ opibus instructos, qui laudatissimorum suorum progenitorum, & suam ipsorum matrem optimis studijs, & honestissimis moribus commendabunt, & ad pristinum splendorem honoris, famæ, dignitatis in foro, Senatu, Comitijs, omni denique loco vindicabunt: atque vbi in subsellia maiorum suorum in loca honoratissima magnis virtutibus subnixi ascenderint, gratiâ & beneuolentiâ fouebunt, testimonijs amplissimis ornabunt, & ijs demum, qui ex se nascentur, cum sanguine statim amorem suæ educatricis transmittent. Atq; sic diuina sapientia TYLICHII cum magno coniuncta animo, perpetuâ sæculorum serie celebrabitur, nobiscum versabitur: illam Deo fauente in iudicijs personantem, in Academia frequentibus auditoribus concionantem, illam pro innocentia pugnare, de cõmuni bono differere, voce pastorum pestifera religionis monstra territare, virtutes inferere, vitia extirpare, in ciuium consuetudine vigere, amicitias colligere, illam denique in multorum vocib⁹, linguis, sermonibus, animis, actionibus, cum immortalis sui conditoris gloria, viuere aspiciemus,

audiemus, mirabimur. Nec mirum immortalem illius fore vitam, quæ à tanto animi splendore nata est. Quis enim ita mentis cogitatione penetravit maximam huius nostræ Reipub: necessitatem? quis tam prudenter imitatus est ingenium gentis Polonorum? Libertate illa à multo tempore gloriatur; eius studij cultum induxit TYLICIVS, quâ excitari, augeri, conseruari, splendere libertas potuit. Hæc enim vna è maximis disciplinis est, posse dicendo tenere hominū cætus, mentes allicere, voluntates quò velis impellere, vnde velis deducere: hæc, inquam, vna in omni libero populo, maximeq; in pacatis tranquillisq; ciuitatibus præcipuè semper floruit, semperq; dominata est. In nostra verò patria, quid ita vtile aut splendidum, vbi legum æqualitas vniuscuiusq; virtuti campū aperit ad summos honorum gradus consequendos? Ut enim inter homines eiusdem naturæ, præstantiorem esse oportet, quem maiori reuerentiâ dignum iudicamus; sic in nobilitate paris ordinis & libertatis multò excellentior is esse creditur, cui in clarâ hominum luce, honoris præstantia fuerit attributa. At quo ita dignitatis tuæ splendor, Regis illustriumq; virorum iudicia feriet; si non eloquē-

tia di-

tiæ dicendiq; facultate? cuius propriæ sunt artes,
fidem & existimationem conciliare, in Regum sa-
pientissimorum beneuolentiam interioremq; cõ-
suetudinẽ influere, quoque fueris in orationis ap-
paratu copiosior, eò & gerendis maximis dignita-
tibus aptior. Tanta enim est admiratio copiosè,
sapienterque dicentis, quem qui audiat, intellige-
re etiam, & sapere plus quàm cæteros arbitratur;
neq; vllum existimat honorem esse tantum, quo il-
le veluti cælitus in salutẽ hominum demissus pro
dignitate possit exornari. Quid enim est tam ad-
mirabile (vt inquit orator) aut tam iucundũ, quàm
sapientibus sententijs, grauibuscq; verbis ornata, at-
que polita oratio? quid tam potens tamq; magni-
ficum, quàm populi motus, iudicum religiones,
Senatus gravitatem, vnus oratione conuerti? quid
denique adèd regium, aut liberale, quàm opem fer-
re supplicibus, excitare afflictos, dare salutem, li-
berare periculis? Huius præstantiæ viri, quoties
apud nos enituerũt, qui vehementiori dicendi vi
sediciosorum hominum impetus, aut conatus re-
primere, qui authoritate, qui fide, qui iustitiã, ma-
gnitudine animi, consilijs multitudinem tenere
potuerunt: ij graues, ij principes, ii duces, ii auto-

res omnis dignitatis atq; imperii habitae sunt. Numeremus Orichouios, Herburtos, Karncouios, Myscouios, Patricios, Solicouios, Macieiouios, Melecios, Zamoscios, & cæteros viros clarissimos, quorum diuina oratio non cõtenta finibus patriis, etiam inclarissimis exterorum regionibus regnat, in magnamq; opinionem excellentiæ regnū hoc florentissimum vindicat. Nempe liberorum hæc fuit semper propria possessio; in oppressis à seruitute ingeniis, nunquam suum lumen ostendit. Si quæ enim scyntilla generosioris animi, si quod honestioris istius disciplinæ signum se prodidit; simul aspectum & extinctum vel obscuratum fuit. Sublato enim virtuti ad gloriã stimulo: crescere ad gloriam vbertas orationis non potest. Quorsum prodest diserrum, aut eloquentem esse, si quod sentias liberè, & cum dignitate, non licet eloqui. Nostris verò ciuibus cum simul cum libertatis studio, innafeatur ad cultiorem doctrinam quædam amabilis propensio, eaque sit Reipub: forma, vt cuiq; ex actionib⁹ honestis liceat celebritatem nominis colligere, hunc ingenuum, hunc indole præditum, hunc suorum claritate non indignum conclamant omnes, qui in familiari sermone, venustum, & ingeniosum

geniosum quid ex antiquitatis notitia deprompserit, cuius docta ratio & admirabilis oratio in frequentioribus conuentibus autoritatem sibi fecerit. Adhucné dubitamus TYLICIANVM hoc ad posteritatem monumentum, à magno sapientissimi & amantissimi patriæ ciuis animo conditum esse? Nam si non murus, arces, propugnacula, urbium aut Rerumpublicarum nomina tenent, verùm ipsi ciues viri fortissimi: cogitate quanta mentis altitudo, quàm præclara in patriam voluntas prodijt huius viri, qui ne aliquando hæc materia commoda cinitati nostræ deesset, tãtã curâ & prouidentia prouidit. Neq; enim Grammaticæ, Dialecticæ aut Rhetoricæ præceptis (vt nonnulli faciunt) concludi existimauit perfectionem eloquentiæ; sed cum magno semper oratore sensit: Nostra (inquit) est omnis ista doctrine prudentiæq; professio, in quam homines quasi vacuum abundantes ocio, nobis occupatis inuolauerunt. Rhetorum est officium de iustitia, de ciuitatibus instituendis & regendis, de omni viuendi ratione, deniq; de abditissimis etiam naturæ causis differere. Quò magis miror, potuisse venire in mentem summis quibusdam nostro sæculo ingenijs, literas

humanitatis præparare, solummodo ad maiores disciplinas: in his enim ars illa continetur, quæ erudito, ingenuo, & eo, qui in Rep: velit excellere digna est: quæq; rerum omnium, quæcunq; in vitam cadere possunt, præceptionem & usum habet. Ideo ridiculi sunt multum, qui studium humanitatis se iam percurrissè & confecissè inconsideratè loquuntur. Scilicet versiculum concinnè, aut epistolam non ineleganter, vel oratiunculam cum aliquo apparatu scribere aut proferre, est vel mediocriter disertum. Erras nimium; nisi doctas quosque præstantissimos, oratores grauissimos, historicos disertissimos pellegeris, & nisi scribere aut dicere, quotidie maius esse tuis humeris iudicaueris. Quò enim, quis magis in hoc studio proficit, eò scribendi & dicendi labor grauior esse videtur. Nempe vt excellentes pictores, qui soli benè iudicant, in quo sita sit imaginum perfectio, maiori quiete, diuturniori meditatione, pertinaciori labore opus habent: sic qui orationis illud decorum optimè tenent, tantò magis & in dicendo exalbescunt, & in exercitationis studio, cogitatione se fatigant. Scribendi enim rectè non principium, & fons (vt quidam dixit) sed argumentum est con-

summate

summatae sapientiae. Quam cupere multis in hoc Regno parentibus eum errorem eripere, qui leuem triuij cognitionem, in magna satis eruditionis opinione numerant. Nonne vestrae sunt partes, o viri nobiles, in Rep: de reb⁹ maximis cum dignitate deliberare? non vobis incūbit leges ferre, latas conseruare? de bello, de pace decernere, legationes gloriosas obire? & hoc ex leuissimis Grammaticorum praeceptiunculis haurietis? audite iudicium huius magni Episcopi, intueamini exemplum: Bono Ciui (dicebat ille) quandoquidem in luce elegantiorum hominum versatur, quaecunq; in vitam veniunt, quæ sita, audita, lecta, disputata, tractata esse debent. Præiuit exemplo: vidim⁹ enim in illum ornādum omnes præclaras scientias, omnes istas literas ciuiles conspirauisse: quid ille in Cicerone non vidit? quid in Demosthene non legit? quid in Plutarcho, Xenophonte, Liuiō, Tacito, quid in utroq; Seneca, & alijs quibusq; lectissimis autoribus non annotauit, memoriæ non consignauit, vsu non confirmauit? Omnino omnia eum legisse oportebat, qui aliquando iucundissimos cum eo sermones de bonis literis facere voluit. Ecce qui omnium vestrum filios, vt proprios ama-

uit propter Remp. videre quibus studijs, artibus;
exercitijs instructos cupiat ad honores gerēdos ac-
cedere. Fatebitur iam non nemo præclare de Re-
pub: meritum hac sapienti liberalitate optimum
hunc Senatorem: at fortè è medijs Academiæ spa-
cijs prorumpit nouus aliquis disputator: De Rep:
inquiens, concedo: at de Academia, vbi non tan-
tus est vsus vestræ istius delicatæ orationis, nego.
Nouam petis arenam, vir bone; sed ego ex eodem
theatro rem expedio: neq; enim litem ex litibus se-
rere conuenit eum, qui studia sanandorum & pa-
candorum animorum profitetur. Esto, vt dicis:
Si te Academicum ex illa veterum, aut recentio-
rum Academia prodis: si Scholæ huius inclitæ
ciuem te esse iactas, mecum te oportet sentire. Non-
né sanctissimi Reges ad Rempublicam iuan-
dam & amplificandam nos acciuerunt? nonne
poliendos, formandos, & vndiquaque ornandos
nouos istos ciues nobis commiserunt? Si ita est, vt
dubitare non potes, profectò indecorum erit no-
stris solummodo literulis, aut commoditatibus in-
dulgere: communis boni, quod nostræ fidei auto-
ritas Pontificum, & Regum benignitas, Senato-
rum amplitudo credidit, obliuisci. Imò si sapim²,
liberali-

liberalitate TYLICH orbis Academici dignita-
tem illustriorem factam esse confitebimur. Cuius
enim scientiæ, non singulare quoddam ornamen-
tum adijcit eloquentia? Philosophia tum demum
regnare, libertateq; suâ frui dicitur, vbi detersâ
barbariè, sublatâ obscuritate, in generosas discenti-
um animas, simul cum quadâ facilitatis voluptate
influxerit: nihil enim præclaro isti Dei immorta-
lis dono, tam inimicum, vt fordida, & lutulenta
oratio. Vultures quidem foetoribus delectantur,
odorem fugiunt; at auium nobiliores, elegantissi-
ma & fragrantissima quæq; pabula petunt. Fortè
legum periti istas verborum quisquiliâs recipiēt?
minimè verò: hi enim vt sunt magno & excelsò a-
nimo, turpe putant cultu dictionis neglecto, splē-
dorem vitæ politicum appetere. At saltem Theo-
logi hanc loquendi sollicitam curam contemnent,
quorū est maximè, res serias tractare, vt quæ æter-
nitatis momentum respiciunt? Sed neq; hæc no-
bilissima facultas sui argumenti maiestatem, vult
foeculentâ sermonis immunditiæ contaminare:
imò cum suum esse mun⁹ iudicet pro religione pu-
gnare, ad virtutes cohortari, à vitijs abstertere: re-
rum vbertate, orationis copiâ, tenendorum ani-

morum peritiâ, eloquentiæ denique ministerio,
vitam, decusq; suum omne creuisse libenter con-
fitemur. Video adhuc scholasticorum subtilitatem
quosdam obtrudere, quasi solâ contemplationis
pulchritudine contenti, nostram hanc dicendi ar-
tem nihili faciant. Hospes es in antiquitatis co-
gnitione, si ignoras scholasticorum præstantiam
ex Rhetorum officinis prodijisse: quære ex Tacito,
consule Senecam, audi Plinium, & quem ego in-
star multorum pono Hieronymum, Hierisontem
illum Ethnicæ & sacræ disciplinæ; is te proculdu-
bio docebit: disertissimum quemque ob ingenij
elegantiam & vberioris doctrinæ laudem, appel-
latum fuisse Scholasticum. Dicent & alij: Scho-
lasticè dicere nihil esse, quàm rem aliquam orato-
riâ methodo explicare. Qui ergo sit splendor cu-
iusq; scientiæ, detractâ dicendi facultate, vides:
Aristotele nemo doctior, nemo acutior, nemo in
rebus vel inueniendis, vel iudicandis acrior exti-
tit; hic tamen omnium ætatum consensu, omni-
um eruditorum autoritate, aureus eloquentiæ flu-
uius, summo ingenio, scientiâ, copiâ fuisse perhi-
betur. Plato Philosophorum quoque Princeps,
princeps ingenio, princeps occultissimarum arti-

um cognitione, idem simul grauitate dicendi, & in rebus ciuilibus prudēter sapiendi princeps. Cuius neruos, copiam, splendorem, expressit præstantissimus apud Græcos orator discipulus illius Demosthenes. In iure ciuili, si quis diligentius contempletur Iustinianos, Trebonianos, Theophilus, Papyrios, & illam frequentissimā excellentissimorum virorum coronam, ibi primū crediderit ortam fuisse orationis dignitatem, ibi educatum & consummatum; quidquid in hoc nostræ dictionis cultu splendet pulcherrimū: Quemcūq; enim horum acceperis, in dubio est animus, elegantissimus an eloquentissimus sit iudicandus. Ipsi illi, qui omnia voluptatum lenocinia vt stercora conculcant, omnemque istum exteriorem corporis ornatum abiiciunt, ita in omni dicendi genere regnant, vt quiduis potius eis, quàm sermonum aut exultæ orationis gloriam detraxeris. Quis purior Gregorio? quis Augustino acrior? quis Basilio ingeniosior? quis denique illo rege Oratorum, quotquot erunt aut fuerunt, scientior, vehementior, admirabilior; illo (inquam) Ioanne Antiocheno verè apud omne sæculum appellato Chryso-stomo? Viderunt hoc nostræ ætatis eruditi, & quasi puderet

puderet paternarum fardium, totos se ad vindicā-
dam orationis dignitatem conuerterūt. Habemus
illorum beneficio, non illam modò de moribus,
sed hanc quoque admirabilium causarum veteri
splendori restitutam Philosophiam. Inde Contare-
ni, Vico mercati, Scaligeri, Fonsæq̃ prodierunt:
inde in iudiciorum subselliis, Imperatorum palati-
is, scholarum exedris, Alciati, Cuiatii, Gipha-
nii, Mureti apparuerunt: denique Soti, Banesii,
Bellarmini, Suaresij, & eiusdem ordinis alii viri
diuini, quorum pietatem & sapientiam vterque or-
bis terrarum admiratur. Quis ergo ibit inficias hoc
artium humaniorum æquor, vltra Orientis & Oc-
cidentis terminos, vltra ipsius cœli plagas impe-
rium extendisse; si res illæ cœlestes à natura & gra-
tia mirificè conditæ, in quibus cognoscendis ipsa
cognitionis acies hebetatur, tantâ cum facilitate &
grauitate explicantur? Eant igitur qui amplissi-
mis Regnis, aut maximis imperiis erectis, in pote-
statem redactis, aut expugnatis gloriantur; si fru-
stra erigas, constituas, aut potentiâ tuâ perdomes
ferocem populum, nisi ab eloquentiæ studio, fi-
dem colere, iustitiam retinere, aliis æquo animo
parere, labores pro communi vtilitate suscipere,
pro gloria

pro gloria publica dimicare, dulce ac decorum didicerint. Quorum bonorum præstantia, cum auctori TYLICIO fit referenda, cur non congratulamur summæ ipsius virtuti, quæ iam tulit, & fert quotidie meritorum suorum fructus amplissimos? Cur non inter summos viros imaginem illius collocamus, patrem patriæ scribimus? Cur denique illustrium Episcoporum gloriam, quæ maximè suâ putat interesse; Academiam pulcherrimis disciplinis reddere florentissimam, non appellabim⁹? Tu verò maximè generosissima Polonorum soboles in venerationem tanti beneficii totam te effundere, tota in admiratione maximarum virtutum consistere debes. Omnes enim vitæ gradus, omnes actionum laudatissimarum cursus, ut aliorum præstantissimorum virorum; ita huius optimi Senatoris, tua sunt propria exempla, tuæque consecrata imitationi; ut ex his corporum & animorum dignitatibus, edas aliquando boni civis pulchrè surgentem imaginem: quæ post gloriosos in terris labores, rectissimâ in cælum viâ ascendat, atque suorum factorum iustissimo præmio iucundissimè perfruatur. Quæris quæ sit ista? Tenere animum

in officio, ne rem diuinam corpori tuo inclusam,
vbivbi es aliquâ vitiorum labe conspergas: putare
te in conspectu supremi iudicis semper esse, qui ali-
quando facturus est tecum strictissimam de singu-
lis factorum tuorum momentis rationem: literas
diligentiùs colere, & rationi poliendæ, historiæ
cognoscendæ vacare: sapientum de moribus præ-
cepta in vita ostendere: post honorem Dei ad di-
gnitatem referre omnia: illum demû cogitare esse
rectissimum Politix vsum, qui diuinæ rationi ma-
ximè fuerit consentaneus. En ad eam rem penes me
arma, & præsidia ponuntur: autoritas est eorum,
qui hoc iucundissimo aspectu te recreârunt. Ne-
que arroganter de me quidquam dictum velim:
non enim existimaui vnquam in pectore meo tan-
tùm literarum, virtutis, exemplorum situm esse,
vt tuæ necessitati sufficeret: illorum fidei factæ
confido, qui mihi sponfionem affuturæ gratiæ
diuinæ fecerunt. Enimvero licèt ego tantorum
donorum sim indignus; digna tamen erit ista ani-
morum tuorum indoles, per quam plurima quæ-
que & maxima Dei beneficia in Ecclesiam & in
Rempublicam, quorum vtilitati & ornamento
crescis,

crescis, inferantur: digna & magnanimi TYLICII
in patriam, & in Academiam voluntas, quam
Deus Optimus respiciat, & maioribus in dies
accessionibus pro sui nominis hono-
re amplifcet in omnem posteri-
tatis æternitatem.

D I X I.





